

Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus V. Rursum murmurant filii Israel præ siti, & Deus dat illis aquam.

[urn:nbn:de:hbz:466:1-52700](#)

inquit Scriptura, amplius habebat, neque qui minus paraverat, reperi minus, cum enim domum essent reversi, omnes reperiebant eandem mensuram. Sic qui parvam particulam sumit in Eucharistia tantum sumit quantum is qui magnam hostiam recipit, nec qui magnam recipit, habet amplius.

13 Manna debebat in mortario tundi pilo, ut esset figura passionis Christi: Et nos in Eucharistia debemus commemorationem facere passionis Christi, in qua quasi in mortario, vel torculari, ita consumtus fuit & fractus per verbera & flagella, per crucem & clavos, ut sanguis toto corpore exprimeretur.

14 Quando filii Israël primum videbant Manna, cibum ignotum, & numquam antea visum, præ stupore clamabant: Quid est hoc? sic merito jam clamant fideles de Eucharistia: Quid est hoc? & mirantur Christum Deum & hominem latere sub specie panis, & Deum habitare nobiscum, quod numquam prius erat auditum, nec visum.

15 Comederunt filii Israël Manna per annos quadraginta, hoc est, quamdiu faciebant iter per solitudinem, at ubi jam venerabam in terram promissionis, cessabat Manna. Sic quamdiu peregrinamur in mundo, habemus & comedimus Christum in Eucharistia, sed ubi venerimus ad cœlestem terram promissionis, patriam nostram, tunc non habebimus amplius Christum sub specie panis latentem, sed videbimus eum sicuti est, facie ad faciem.

DISCURSUS V.

Rursum murmurant filii Israël praesui, & Deus dat illis aquam

Aliquanto tempore manserant Israëlitæ in deserto Sin, quando columna nubis se movit, & ab illâ, castra præeunte, ducti fuerunt in Depheta, postea in Alus, & jam in Raphidim, locus qui jacebat non procul à monte Sinai. Hic, inquit Scriptura, non erat aqua ad bibendum populo. Et si uis populus, & non tantum murmurauit contra Moysen, sed tam acriter in eum inventi sunt, ut Moyses timeret se lapidandum. Clamabant ergo: Da nobis aquam ad bibendum; cur nos fecisti exire de Aegypto ut occideres nos, & liberas nos, ac iumenta sui? & adduxisti in locum istum pessimum, qui ser-

non potest, qui nec sicut gignit, nec vineas, insuper & aquam non habet ad bibendum?

Contra Moyses: Quid jurgamini contrame? cur tentatis Dominum? & mox se proripiens de medio eorum, confugit ad tabernaculum, & corruens pronus in terram, clamavit ad Dominum dicens: Quid faciam populo huic? adhuc paululum, & lapidabit me. Audi ergo clamorem ejus, Domine Deus, & aperi thesaurum tuum fontem aquae vivae.

Tunc dixit Deus ad illum: Antecede populum, & sume tecum de senioribus Israël, & virginem quā percussisti fluvium, tolle in manu tua, & vide: En ego stabo ibi eoram te supra petram Horeb, percutiesque petram, & exibit ex ea aqua, ut bibat populus: Tulit ergo Moyses virginem, & congregata multitudine ante petram, dixit eis: Audite rebelles & inimici: Numquid de petra haec vobis aquam poterimus ejicere? & percussis virgabis felicem, egressae sunt aquae largissime.

Tam largæ fuerunt ut instar multorum torrentium inundarent, inquit David, Psal. 77 adeoque fluvium efficerent qui toto itinere illis aquam præberet donec venirent in terram promissionis, & hoc est quod Paulus ait i Cor. cap. 10, scilicet, quod Petra illos sequetur, non quidem ipsa petra, ut quidam fabulantur Iudei, sed fluvius qui de petra fluxerat.

Jam tertio audivimus Israëlitas graviter murmurantes contra Deum. 1. In deserto Mara quia deerat aqua potabilis. 2. In deserto Sin, quia deerat panis. 3. In Raphidim, quia rursum deerat aqua. Mirabile hominum genus! numquid videbant nocte ac die Deum in columna nubis & ignis illos præcedentem, & ducentem quotunque irent? Numquid ergo videbant præ oculis hanc esse voluntatem Dei ut illa ipsis evenirent? quid ergo tandem volunt habere? an ut Deus omnia faciat prout ipsis volunt, & non prout ipse vult? quid ergo vos vultis? volumus aquam ad bibendum: Volumus panem ad comedendum.

Quid si Deus nolit? cuius voluntas debet præferri? vestrā, an Dei? neminem puto esse qui non dicat, voluntatem Dei tamquam supremi Domini, qui omnia videt, prævidet atque disponit, debere præferri, sed plurimi sunt qui cum hoc verbis fatentur, contrarium factis ostendant, quando vix unquam voluntate Dei contenti sunt; quidquid enim eveniat, nisi sit juxta voluntatem eorum, numquam quiescunt, adeo ut necesse foret ut Deus assidue ad illos veniret, & peteret quod petebat olim Christus à cæco

Yy

men-

mendico: *Quid vis ut faciam tibi?* Dedi tibi sufficientia bona ut honeste vivas, & tamen invides aliis quod plura habeant: *Quid vis ut faciam?* ut tantumdem tibi dem quam aliis? at ego nolo: An ego à te petere debo quid velis, vel tu mihi dicere, *fiat voluntas tua:* Si æger es, vel minimum pateris, murmuras: *Quid vis ut faciam?* ut tibi dem sanitatem? at ego nolo; uter debet præfem? Non sic agebat Christus cum patre quando dicebat in horto: *Mea voluntas fiat, sed tua.*

*Conformatio-
nem hu-
mana vo-
luntatis
cum divi-
nitate.*

Memini me aliquando, cum de hac materia agerem, ordinem regimenque totius mundi comparasse magno ac universali horologio alicujus magnæ civitatis: Non erit abs re si modo memoriam discursus illius breviter refricem, ut tanto firmius inhaerat animo quomodo nos conformare debeamus voluntati divine, quod ego existimo esse unum ex præcipuis fundamentis totius rationis Christianæ.

Dico igitur 1. Dei providentiam dirigere mundum, omniaque ordinare instar horologii, habet enim omnes horas atque minuta ad ultimum usque in sua potestate. Sicenim ait Christus *Ait.* cap. 1. Páter meus Cælestis posuit in sua potestate tempora & momenta, et Sapiens ait cap. II. *Disposuit omnia in mensura, numero, & penden-*

Hic habes perfectum horologium, habes pondera, habes mensuram, habes & numerum horarum ac minutorum. Hujus horologii tantam curam gerit providentia Dei ut numquam possit errare. Horologia civitatum non ita, sæpius enim errant vel negligunt directoris, vel vitio instrumentorum: In horologio vero divino, omnia tam precise, & constanter procedunt, ut nulla sit hora, nullus horæ quadrans, nullum momentum, quæ non habeant certam suam mensuram.

Videte hoc in variis Scripturæ exemplis. *Iohannis Cap. 2,* significabat B. Virgo filio suo vinum deesse in nuptiis *Canae:* Respondit illi Christus: *Nondum venit hora mea.* Hoc nihil aliud erat dicere, sine me agere, statuta est certa hora ut faciam miraculum, quando illa advenerit, tunc faciam.

Ioh. cap. 7, miserant Principes Sacerdotum & Pharisæi satellitus ut Christum comprehenderent, sed nullus misit in illum manus, quia nondum venerat hora ejus, inquit *Iohannes:* Ergo in horologio Dei certa quadam erat hora statuta, quâ Christus comprehendendi debebat.

D.

Denique idem Euangelista ait cap. 13. *Iesus sciens quia venerat homines ut discederet ex hoc mundo*, cænam fecit cum discipulis: Ergo certa hora erat statuta qua debebat mori. *Iudei spatio trium annorum toties occasionem habuerant ut illum caperent*, & occident: Incedebat enim publice per plateas, concionabatur in templo, docebat in Synagogis, accumbebat cum illis ad mensam; sed tunc nondum venerat hora ejus: *Cives Nazareni illum jam duxerant in verticem montis ut illum inde præcipitarent*, sed ipse transiens per medium illorum ibat, quia nondum venerat hora ejus. Interea fluxerat horologium Dei quando tandem hora advenit, scilicet tertia post meridiem, 25 Martii: Hæc era hora quam Deus in suo horologio statuerat ut filius ejus moreretur: Ecce quam præcisè Dei horologium procedat in suis horis atque momentis.

Sed habent etiam singuli homines suum horologium, nullus enim est qui non habeat suos affectus & concupiscentias: Mei autem affectus, inquit *Augustinus*, sunt pondus meum: Concupiscentiae rotulae sunt quæ assidue moventur ab illis ponderibus: Quicunque enim feror, inquit rursum *Augustinus*, illis feror. Sed horæ quæ nos in nostris horologiis statuimus non possunt recte procedere, nisi præcisè usque ad ultimum minutum convenienter cum horologio Dei. Ad hoc se accommodare debet quidquid in mundo est, sicuti se omnes accommodant ad commune horologium urbis, opifices ut vadant ad opera, pueri ut vadant ad scholas, religiosi ut surgant & orent, nautæ ut navigent &c.

Quod si quis velit horologium suum disponere tantum juxta phantasiam suam, & non respicere ad horas quas statuit Deus, omnia inverso modo procedent.

Exempli gratia, incidisti in aliquam difficultatem, & libenter haberes ut horæ quam velocissime current, ut quam primum liberareris. Frustra est. Si enim Deo placet suas horas suspendere, & diutius relinquere in mœrore, tu quoque debes horas tuas suspendere, & te Deo accommodare. Si enim incipias murmurare & dicere, quare tamdiu hæreo in hac miseria? quando erit finis? quando veniet hora qua liberabor? Horologium tuum male dispositum est: Vis enim horologium Dei, quod numquam potest errare, disponere juxta tuum, quod tot habet errores, quot habet inordinatos affectus & concupiscentias.

Sine Deum agere, & accommoda te ad horas ipsius, non potes errare,

errare, habet omnes horas ac momenta in sua potestate. Igitur, inquit *D. Paulus i Corinth. cap. 10.*, certus esto, quod te non diuinus relinquet in moerore, quam possis sufferre: Ipse praeceps novit horam & tempus quo debet venire: Interdum quidem ita extrahit horas, ut aliqui videantur desperare praetatio, sed non est quod timeas, quando enim omnia desperata esse existimas, subito sicut horologium suum flueat, omnesque horas contrahit, & venit ut solet ac liberet quando minime putas.

Vultis hoc videre in exemplis? Apostoli totis viribus luctabatur contra tempestatem in mari, navis obruebatur fluctibus, jam in proximo erant ut perirent, clamabant enim: *Perimus: Horologium ipsorum plane erat turbatum.* quia non erat dispositum iuxta horas Dei. Interea *Christus dormiebat securus, & finebat* horae*sui horologii currere, quando autem videbat advenisse horam ut illis succurreret, ex parte factus surrexit, imperavit mari & venis, & facta est tranquillitas magna.*

Audite aliud exemplum. *Saul* jam pridem quæsiverat *Davidem* ad necem: Jam saepius emiserat undeque exploratores ut illum deprehenderent, sed hora qua Deus illum liberare statuerat, nequum ad venerat; tandem fugit *David* in altissimam rupem. Ubi *Saul* hoc intellexit, pergit eò cum toto exercitu, fugit *David* in aliam rupem; persequitur eum *Saul*, jamque impiebat militibus circumcingere rupem, ita ut nulla spes superasset *Davidi*, manus illius effugiendi: Sed ecce eodem momento sonuerat hora in horologio Dei qua volebat *Davidem* liberari, tunc enim laxis habenis accurrit nuncius ad *Saulem*, qui illi refert, *Philistinos magna vi irruisse in terras Saulis, omniaque vestare.* Nec mora, cogitum *Saul* reverti in patriam ut se hosti opponat, & sic evasit *David* omne periculum. Hic erat ille vir, qui semper horologium suum disponebat juxta horologium Dei, dicit enim Scriptura quod omnes voluntates suas ac desideria disponeret juxta voluntatem divinam: Et ipse *Psal. 56* dicit: *In Domine confidit anima mea, hoc est, fino te agere, quia habes omnia tempora in potestate tua, & tu misisti opem de celo, & liberasti me, & dedisti in onus proculantes me.*

Hic tandem habes poene unicum fundamentum, super quo conformitas voluntatis nostræ cum voluntate divina, debet vindicari, scilicet Deum finere agore, & confidere ipsius providen-

tia quæ numquam potest errare, sive enim mature veniat, sive tarda, semper venit in tempore, quamvis multis videatur in tempore non venire, quia ipsorum voluntas non convenit cum voluntate illius.

Itaque si fidis providentiae divinæ, non habes quod timeas: Quando enim hæc providentia defuit mundo? numquam. Capimus ergo Deum interdum diutius expectare quam nos optamus, semper suo tempore venit: Si non veniat illa hora quam tu statuisti, quia horologium tuum non est bene dispositum, veniet illa hora quam ipsemet statuit in horologio suo, quod numquam potest errare.

Quapropter, inquit *Paulus 1. Cor. cap. 10*: Nolite murmurare, sicut filii *Israël* murmuraverunt. Quando enim illi putabant omnia esse desperata, & se morituros præsidi; ecce adest Deus, & plus facit quam quisquam poterat sperare; quis enim credidisset ex arida rupe posse fluere aquam quam pro illo tempore biberent, sed tam abundantem, ut illos ubique, & tot annis instar fluvii sequeretur?

Ipsemet Deus duxerat illos per talem viam quæ tam molesta erat propter inopiam aquæ, nemo melius noverat vias per quas ducendi erant ad terram promissionis, quam ipse: Et nos quotquot sumus, peregrinamur ad cælestem terram promissionis, ipse nos ducit & vehit, & volumus nos Deo leges statuere per quas vias nos vehere debeat.

Quod si nos vehat per vias molestas, debemus cogitare quod illæ sint breviores: Si nos vehat per vias plenas tædio, debemus cogitare quod illæ sint optimæ. Hoc est quod Sapiens ait *Prov. c. 3. Deus dirigit vias tuas: Tuus vias*, inquit, *ut ostendat, quod te particulariter velit vehere per vias molestas ac tædiosas, alios non. Debes tuus viis esse contentus, & voluntatem tuam conformare divinæ: Quis est qui auderet petere à Deo, quare aliter agis tecum quam cum aliis? ergone plus sapere vis quam auriga tuus quasi tu melius vias nossæ quam ipse? Aut putas fortasse quod Deus rationes non habeat ut te potius vehat per vias difficiles, quam alios?*

Si quererem ex aliquo qui assiduè iter facit. Quare vadis modo navi, modo curru, modo pedes? Proculdubio posset rationes addicere, ac dicere: Jam vado navi, quia viæ terrestres non vacant periculo propter latrones. Jam curru, quia periculosa est aqua pro-

pter tempestatem, & aestum. Jam pedes, quia serenum est cælum, volo aliquid exercitii facere. Tu ne potes tot rationes adferre tuū itineris, & putas Deum rationes non habere cur te ducat per illam viam vel istam, alios vero non?

Cum essem in prosperitate Deus vehebat te navi pro commode tuo, ferebatur navicula negotiorum tuorum secundo vento, & matutina, absque ullo infortunio; forte exiguis aliquis nimbus inter prosperam navigationem exortus est, parva aliqua jactura bonorum, vel alia difficultas quam non prævideras vel expectaveras, forte egisti cum Deo sicuti aliquando agunt vectores cum nauis quando subito tempestas exurgit, navis quassatur modo in unam, modo in alteram partem, & haurit aquam, exoritur clamor in nave inter vectores, & clamant: Nauta, invigila, perimus; at nauta qui novit ventos & auram, nolite, inquit, turbari, non est periculum; si pergant vociferari, irascitur nauta, & ait: Ergone existimat mihi meam vitam minus esse caram, quam vestram vobis? si tu in tua prosperitate ita egeris cum Deo, quasi ipse non invigilaret, nec sciret quomodo navim tuam deberet dirigere, vide quid contigerit: Cogitavit Deus, hic homo non est aptus qui iter faciat navi, & qui vivat in prosperis, quia si minimus nimbus insurgat, videtur illi mundus perire, ergo currui illum imponam, ut plus molestiae ferat, videamque an sustinere possit iter arduis lapidibus obfatum: Forte videt te adhuc magis contra hæc murmurare ac queri. Tandem cum videret te esse tam delicatum ac molle, ut nec incommoda navis, nec currus pati posses, voluit te istam mollietatem dedocere & te peditem ire per difficillimas atque immensiles vias, ut sic te duceret ad terram promissionis cælestem, quam numquam forsitan pervenisses, si te duxisset semper per vias priores.

Denique sine te regi ac duci à Deo, conforma voluntatem tuam voluntati illius, quo cumque ille te duxerit, quidcumque in via observenerit, salvis eris.